



साःगु भिंगु मरिचरिया निंति लुमका दिसेँ !

लक्ष्मण जमाल 'चिलिमि' प्रोप्राइटर

लाखा छैँ
LAKHA CHHEN

सोन्हुष्टे, वडा नं. १६, येँ, फोन नं.: ४५६०७५८

ल्याय्म्हतय् विदेश पलायन पनेगुकथं ज्याइवः ह्ये : मन्त्री श्रेष्ठ हल्लोक आकाशभैरवया भिनिदँया जात्राया तयारी न्ह्यात

• लहना संवाददाता

नेपाःया ल्याय्म्हत धमाधम विदेश पलायन जुयाच्चंगुयात पनेगु निंति युवामैत्री उद्योग नीति ह्येगु बागमती प्रदेशया नकातिनि नियुक्त जूम्ह उद्योग, वाणिज्य, भूमि लिसेँ प्रशासन मन्त्री प्रकाश श्रेष्ठ ज्या न्ह्याकाचवनागु धयादीगु दु ।

येँ क्षेत्र नं. ७ (२)पाखेँ बागमती प्रदेशसभाय् निर्वाचित जुयादीम्ह श्रेष्ठ सत्ता समीकरण हिलेवं उद्योग, वाणिज्य, भूमि तथा प्रशासन मन्त्री जुयादीगु खः । वयकः मन्त्री नियुक्त जगु लसताय् श्री हल्लोक आकाश भैरव समाजपाखेँ भिंतुना देखा ज्याइवल्य नुगःखँ तयादिसेँ मन्त्री श्रेष्ठ थःगु जिम्मेवारीइ लाःगु उद्योग, वाणिज्य, भूमि व प्रशासन ख्यःया सुधारया निंति ज्या न्ह्याकेगु धयादीगु खः ।

मन्त्री श्रेष्ठ बागमती प्रदेश दुने दुगु खालि जग्गाया उपयोग जुइकथं कृषि पेशायात तिवः बीगु व उज्वःगु जग्गा कृषिया निंति लीजय् बीगु व बागमती प्रदेश दुनेया ल्याय्म्हतयत स्वरोजगार दयेकेगु खँ कनादिल ।

वयकलं बागमती प्रदेश दुने लाःगु ११९ गू स्थानीय निकाय १३ गुलिं जिल्लाया प्रदेश सरकार व संघीय



बागमती प्रदेशया नवनि्युक्त उद्योग वाणिज्य भूमि तथा प्रशासन मन्त्री प्रकाश श्रेष्ठयात भिंतुना पौ लःल्हासेँ श्री हल्लोक आकाश भैरव गुथिया नायःपिं सागर पुतुवार व सुरज पुतुवार ।

सरकारया मातहतय् लाःगु सरकारी कार्यालयत भ्रष्टाचारमुक्त यायेगु निंति ज्या यायेगु खँ तयादिल ।

थौं ल्याय्म्हत धमाधम पिहाँ वनाच्चंगु इलय् थनया संस्कृति परम्परा ल्यंकेगु निंति न्हू पुस्तायात नं आकर्षित यायेमाःगु खँय नं मन्त्री श्रेष्ठ बः बियादिल ।

मन्त्री प्रकाश श्रेष्ठ पार्टीया जक मखु समाजया हे मनु जगु तायेकाः निर्वाचित यानादीगुलिं सुभाय्

देखानादिल । युवातयत विदेश पलायन जुइगु पनेत उद्योग नीति ह्येगु, कृषि विकासया निंति बाभो जुयाच्चंगु भूमियात छ्यलेगु निंति ज्या न्ह्याकेगु खँ तयादिल ।

सामजपाखेँ बागमती प्रदेशयाके फवकथया बजेट ब्यवस्थापन यायेत थम्हं फुचाःकथं ग्वाहालि यायेगु लिसेँ मागया सम्बन्धय् संस्कृति पर्यटन तथा सहकारी मन्त्रालयालिसे समन्वय यानाः प्रस्ताव तयेगु खँ तयादिल ।

थनया जीर्ण सम्पदा पुनःनिर्माण यायेमाःगु दुसा थःपिं ग्वाहालि यायेत तयार दुगु खँ तयादिसेँ थुकिया निंति पुरातत्व विभाग, स्थानीय निकायलिसे समन्वय यानाः ज्या न्ह्याकेगु खँ तयादिल । वयकलं वइगु आर्थिक दँय हे भिनिदँया जात्रा लाइगु जगुलिं प्रदेश सरकारया बजेटय् दुथ्याकेगु निंति याकन हे प्रस्ताव ह्येत इनाप यासेँ उकिया निंति थम्हं माःकथया पहल यायेगु बचं बियादिल ।

समाजया न्वकु जीवन पुतुवारं लसकुस यासेँ स्वनिगः भैरवपिसं रक्षा यानावयाच्चंगु खँ न्ह्यथसेँ हल्लोक आकाश भैरव मवंकं येँयाः मन्त्याइगु खँ कनादिल । वयकलं दक्खिंयकं हल्लोक आकाश भैरवयाथाय् जुइगु थीथी ज्याया नं जानकारी बियादिल । वयकलं वइगु २०८२ साल बैशाखं हल्लोक आकाश भैरवया भिनिदँया जात्रा न्ह्याइगु व उकी यक्व हे खर्च माःगुलिं सकसियांपाखेँ ग्वाहालिया निंति इनाप यानादिल ।

ज्याइवल्य नुगःखँ तयादिसेँ श्री हल्लोक आकाश भैरव गुठीया नायः सागर पुतुवारं मन्त्री श्रेष्ठया सफल कार्यकालया कामना यानादिल । वयकलं मन्त्री श्रेष्ठ हल्लोक आकाश भैरवया सेवा यानावयाच्चंगु लुमकादिल । मन्त्री श्रेष्ठ प्रदेशसभाय् निर्वाचित जगु इलय् वयकःया निर्वाचन क्षेत्र विकास कार्यक्रमपाखेँ निपु तरवार छाःगु खँ लुमकल । भिनिदँया जात्राया इवल्य श्री हल्लोक आकाश भैरव येँया तामिसपाखाय् बिराजमान जुयादी । भिम्ह द्यःपिं दुथ्याइगु थुगु प्याखंयात ख्वाःपातय् लँपु छायेगु, द्यःपिनि वसः सुइगु थुज्वःगु ज्याखँया निंति बाजं भिकेगु व लच्छिया निंति ल्यं ७ पेजय्

पत्रकार रत्न श्रेष्ठयात 'थेम्मूड पत्रकारिता पुरस्कार'

नेवाः पत्रकार राष्ट्रिय दबूया मुदुजः नापं राष्ट्रिय समाचार समितिया फोटो पत्रकार रत्नकृष्ण श्रेष्ठयात वंगु शनिवाः छगू ज्याइवःया दथुइ 'थेम्मूड पत्रकारिता पुरस्कार' पाखे सम्मान याःगु दु ।

मध्यपुर सञ्चार समाज मध्यपुर थिमियात कला, संस्कृतियात पत्रकारिताया माध्यमं म्हासिकेगुलिं योगदान याःगु धासेँ

अथे सम्मान याःगु खः। थौ समाजया न्याक्वःगु अधिवेशन लिसेँ १२ क्वःगु साधारणसभाय् मध्यपुर थिमिया सांस्कृतिक धरोहर कला, संस्कृति नृत्य लिसेँ वाद्यगुरु ९६ दँया श्रीगोपाल प्रजापतिं पत्रकार श्रेष्ठयात दोसल्ला न्ययेका ५ हजार तका लिसेँ सम्मानपत्र लःल्हागु खः ।

अथे हे उगु ज्याइवल्य मध्यपुर ल्यं ७ पेजय्

Trendiest Fashion At Price You Love

ufo the clothing store

तांग्वःया पासा कुल्फी/आइसक्रिम भपिया दिसेँ ।

Himalayan Ice

धौं दुरु, ह्यः बठर व क्रिम बजारय उपलब्ध दु

सुवेविनायक नगरपालिका, वडा नं. १, मिस्टार धन्सार, सवण ९८४९६४८३२१, ९८०८६०८७२५



नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छम्ह
जातितय् स्वायत्त राज्य लुइ कर्प च्वय् भिलिमीलिन
राष्ट्र भःभः धाय्क न्ह्याके भीगु चःति भीगु हिं



सम्पादकीय



मौलिक संवतयात छ्यलीगु न्हूगु पलाः

नेपालय् यक्को संवत पञ्चाङ्गय् उल्लेख जूया वयाच्वंगु खनेदु ।
अथे न्ह्याना वयाच्वंगु संवतया ल्याः खायेगु व विशेषता दुगु खःसा
व्यावहारिक कथं धासा विक्रम संवत्, इस्वी संवत् व नेपाल संवत
विशेष महत्व दयावया च्वंगु दुाछुगु कथं धायेमाःसा विक्रम संवत्
व इस्वी संवत नेपाःया मखुसा थुकिया प्रचलन धाःसा न्हापानिसे
छ्यला वयाच्वंगु दुा नेपाल संवत धाःसा नेपालय् न्ह्याःगु संवत्
खःसा थीथी कारण मान्यता कायेमफया च्वंगु खः । अयनं थुगु
संवत छ्यला वयाच्वंगु खः । पृथ्वीनारायण शाहया शासनकाल
लिपा थुगु संवत छ्यलिइगु पंगः थनाबिउगु धका धायेगु याः । वया
लिपा नं नेपाल संवत छ्यलेगु याना वयाच्वंसा थीथी कारणं पंगः
थनेगु ज्या नं जुया वयाच्वंगु धइगु इतिहासय् नं खनेदु । नेपाल संवत्
व शाके संवत तिथिया आधारय् न्ह्याइगु जुगुलि व तिथि घटबड
जुइगुलि सरकारी ज्या यायेत थाकुगु धका ज्योतिष सम्मेलन याना
राणा प्रधानमन्त्री चन्द्र शमशेरं १९६१ साल वैशाखनिसे विक्रम
संवत् न्ह्याकूगु धका धायेगु याः । विक्रम संवत् ३६५ दिं दइगु व
नेपाल संवत् ३५४ दिं जक जुइगुलि व्यावहारिक कठिनाइ जूगु धका
नेपाल संवतय् स्वदँय् छकः मलमास भिस्वला जुइगु । लच्छि अप्पो
तलव बिइमालिइ धका चन्द्र शमशेरं विक्रम संवत् न्ह्याकूगु धका
इतिहासय् उल्लेख जुगु दु । नेपाल संवतयात २००७ सालय् प्रजातन्त्र
स्थापना लिपा मन्त्रीपरिषदं हे राष्ट्रिय संवत कथं घोषणा याःगु खः ।
औपचारिक कथं सरकारी ज्याख्य न छ्यलिइगु यागु खः । २०६५
सालय् तत्कालीन प्रधानमन्त्री पुष्पकमल दाहाल 'प्रचण्ड' नेतृत्वया
सरकारं 'राष्ट्रिय मान्यता बिइगु' संवतया कथं घोषणा जुइ धुका
आः कार्यान्वयनय् वइगु जुगु दुा अथेहे नेपाल संवतया प्रवर्तक कथं
शंखधर साख्वाःयात २०५६ सालय् तत्कालीन प्रधानमन्त्री कृष्णप्रसाद
भट्टराई नेतृत्वया सरकारं 'राष्ट्रिय विभूति' घोषणा याःगु न लुमके
बहःजू । लिच्छविकालय् जुजु राघवदेवया शासनकालय् साख्वाः न
ऋणय् दुबेजुपि गरिबतयेगु ऋण पुलाबिउगु लसताय् 'नेपाल संवत'
न्ह्याकूगु किंवदन्तीनाप स्वांगु खः । उगु किंवदन्ती कथं राजज्योतिषं
बिःगु भिं साइतय् भद्रमती व विष्णुमती च्वंगु लखुतीर्थय् फि
लिकायेकूगु खः । वहे फि लिपा लुं जुगु खः धका धायेगु याइ । उगु
फि यँया इलाछँ च्वम्ह व्यापारी शंखधर साख्वाः न ज्यामी तथा
थःगु छँय् यकूगु खः । वहे फिपाखे लुं जुगुयात लोक कल्याण यायेगु
मनतुनां विक्रम संवत् १३६ य् यँ व ख्वपय् च्वपिनिगु जनता तयेगु
ऋणमुक्त याःगु इतिहासय् उल्लेख जूगु दु । नेपाल संवत यँ, यल,
ख्वप, भवँत, धौब्यः, बाहबिसे, दोलखाय् च्वपिन्स हना वयाच्वंगु
दु । नेपाल संवतयात सरकारी मान्यता बिइ धुका न छ्यले थाकुलि
छु दिं न्ह्यः जक राष्ट्रिय विभूति शंखधर साख्वाः प्रतिष्ठानया
संयोजनय् स्पाइरालोजिक्स इन्टरनेसनलं तयार याःगु नेपाल
संवतया 'तिथिमिति डट कम' सफ्टवेयर व 'नेपाल संवत् मोबाइल
एप' नेपाल सरकारयात लःल्हागु खः । प्रधानमन्त्री कार्यालयय् वना
प्रधानमन्त्री पुष्पकमल दाहाल 'प्रचण्ड' यात प्रतिष्ठानया अध्यक्ष
ज्ञानराम श्रेष्ठ व स्पाइरालोजिक्स इन्टरनेसनलया मुख्य इन्जिनियर
अरुण थापां उगु सर्वर व एप लःल्हागु खः ।

उगु सर्वर लःल्हाना कायेधुका प्रधानमन्त्री प्रचण्डं नेपाल संवत
छ्यला बुला यायेगुलि आः अःपुइगु भलसा कयादीगु खः । सफ्टवेयर
सञ्चालनय् वयेवं आः हलिमयय् न्ह्याथाय् च्वंसा नेपाल संवत्,
विक्रम संवत् व इस्वी संवत् याउँक छ्यलेफइगु जूगु दु ।

जात्रा पर्व ल्याय्म्हतय्गु वःगु जागरण



दिलीप शाही "शान्तिचज्जु"

नेवाःतय् वस्ती दुगु स्वनिगःयात
जात्राया देय् धायेगु यानाच्वंगु दु ।
विशेष यानाः स्वनिगलय् दक्षिणक
धयाथें थीथी कथंया जात्रा जुयाच्वनी ।
थ्व नेवाःतय् विशेषता खत । अथे ला
गन गन नेवाः वस्ती दु अन अन छु नं
छुं जात्रा जुयाच्वनी । जात्रा पात्रा नखः
चखः हनेगु नेवाःतय् थःगु हे बिस्कं
कथंया चलन खः गुगु कि नेपाःया गुगुं
मेगु समुदाययाके मद्दु । नेवाःतय् जात्रा
पर्व थुकथं निरन्तर न्ह्यानाच्वंगु धइगु
नेवाःत अफ्न नं थःगु म्हासिका प्रति
सचेत दु धइगु छुमा खः ।

छ्मू इलय् नेवाःतय् गुलिखें
जात्रा पर्व न्हना वनिगु अवस्थाय् थ्यंगु
खः । उकिया मू कारण धइगु राज्य भी
नेवाःतय्गु संस्कृतियात स्वयेगु दृष्टिकोण
जक मखुसे फ्याफलिं अज्याःगु जात्रा
पर्व न्हंकेगु कुतः नं मयाःगु मखु । भी
पुर्खातय्सं जात्रा पर्व न्ह्याकेगु नितिं
तयातःगु आयस्ता राज्यसत्ता जबरजस्ती
कब्जा यायेगु जक मखु अज्याःगु सम्पत्ति
राज्यं फ्याफलिं भीगु संस्कार संस्कृति
छ्ययेगु मवीगु नितिं तकां नालाकाःगु
खः । राज्यया थज्याःगु दमनया दथुइ
नं नेवाःतय्सं थःगु जात्रा पर्वयात
निरन्तरता बियाच्वंगु दु । छ्मू इलय्
म्हय्पिं अजिमा व थँबहीया चकंछःया
जात्राया नितिं मनु मदयाः भल्यात तयाः
जात्रा याःगु भीगु मष्टिकय् अफ्न नं हुया
मर्वनि । राज्य सत्ताया ग्वाहालि मदयेकं
गुगुं नं कथंया जात्रा पर्व, संस्कार व
संस्कृतियात निरन्तरता बीगु धइगु तसकं
थाकूगु ज्या खः । अफ्न भी पुर्खातय्सं
तयाथकूगु आयस्ता गुथि संस्थान
दयेकाः कब्जा यायेधुकाः भीगु जात्रा
पर्वया नितिं बीमाःगु खर्च कटौती जक
जूगु मखु गुलिखें आयस्ता मदयाः जात्रा
याये मफइगु अवस्था तकं वःगु खः ।

जात्रा पर्व संस्कार संस्कृति
भीगु म्हासिका खः धइगु जागरण आः
वयाच्वंगु दु । थ्व लसताया खँ खत ।
थौं कन्हय् ल्याय्म्हतय् दथुइ वयाच्वंगु

थज्याःगु जागरणं यानाः भीगु मौलिक
परम्परा ल्यनी धइगु आशा भीसं आः
यायेफु । छ्मू इलय् जात्राया इवल्य
द्यः क्वबीपिं तकं मनु खाकेत थाकूगु
अनुभव भीसं यानागु दु । तर थौं कन्हय्
स्वतःस्फूर्त रुपं गुकथं ल्याय्म्हत थःगु
जात्रा पर्व ल्यंकेमाः धकाः न्ह्याः
वयाच्वंगु दु थुकिं भीगु संस्कृतियात
अफ्न उच्चस्तरय् थकायेत ग्वाहालि

यदि गुथियारतय्सं रथ दयेकेगु ज्या
मन्थ्यात धाःसा निश्चित रुपं थ्व दँय्
रथ जात्रा यायेत थाकुइफु वा रथ जात्रा
हे मजुइगु सम्भावना दु । थ्व खँय्
गुथियारतय्सं सम्बन्धित निकाययात
जानकारी बीधुकूगु दु । तर सम्बन्धित
निकायं उकियात गुकथं कयाच्वन
धइगु खँ सार्वजनिक जूगु मद्दुनि । थ्व
खँय् आः भीसं चिउताः क्यनेमाःगु

दसुया नितिं यँया थँबही च्वंगु कमल पुखू लिसे
आः नकतिनि सार्वजनिक जूगु यलया बुगः दःया

रथ दयेकिगु त्रवा गुथिया जग्गा कब्जा यानाः

अन दुगु दिगुद्यः तकं वांछवया बीगु रूयाच्वः


वयाच्वंगु दु ।

याइगु आशा यायेछिं । अथे ला
थौं कन्हय् भी नेवाःतय् जात्रा पर्वयात
निरन्तरता बीमाः धकाः नेवाः जक
मखु गैर नेवाःतय्सं नं सः थ्वयेकेगु
यानाच्वंगु दु । थ्व छ्मू लसताया खँ
खत । थुकिं जात्रा पर्व धइगु नेवाःतय्गु
जक खः धकाः गुगु छाप लानाच्वंगु खः
उकियात हुइगु ज्या नं बुलुहुं जुयाच्वंगु
दु । छुं नं जात्रा पर्व संस्कार संस्कृति
धइगु छ्मू जाति विशेषया जुइ मखु ।
थ्व मुकं राज्यय् च्वीपिं जनताया खः ।
तर छुं महिताःतय्सं नेवाःतय् जात्रा पर्व
संस्कार संस्कृतियात नेवाःतय्गु जक
पेवा थें यानाः नागःतुगः यानाच्वंगु दु ।
अज्याःपित भीगु लिसेः धइगु थ्वहे खः
थ्व जात्रा पर्व देय्या खः देशं थुकियात
हनेमाः ।

भी पुर्खा तयातःगु गुलिखे
आयस्ता सरकार जक मखु
भूमाफियातय्सं नं कब्जा यायेगु ज्या
आः नं यानाच्वंगु दु । दसुया नितिं
यँया थँबही च्वंगु कमल पुखू लिसे
आः नकतिनि सार्वजनिक जूगु यलया
बुगः दःया रथ दयेकिगु जवा गुथिया
जग्गा कब्जा यानाः अन दुगु दिगुद्यः
तकं वांछवया बीगु रूयाच्वः वयाच्वंगु
दु । अले थ्व रूयाच्वः यलया जवा
गुथियात जक वयाच्वंगु रूयाच्वः
कथं भीसं कायेमजिउ । थ्व मुकं
नेवाःतय् वयाच्वंगु रूयाच्वः कथं
कायेमाःगु अवस्था थौं जुयाच्वंगु दु ।
थ्वहे इवल्य बुंगःद्यःया जात्रा न्ह्यःने
वयाच्वंगु दु । अले बुंगः दःया रथ
दयेके न्ह्यः पुजा यायेमाःगु दिगु दः
पुजा याये मफइगु खँ गुथियारतय्सं
वक्तव्य जारी यानाः धायेधुकूगु दु ।

आवश्यकता जुयाच्वंगु दु ।
बुंग दःया जात्रा धइगु
स्वनिगःन्यंकंया जात्रा खः । बुगं
द्यः जात्रा यायेत यँ, यल, ख्वप,
किपू आदि देय्या मनुत वयाः जात्रा
यायेमाःगु प्रचलन दु । थ्व धइगु मुकं
स्वनिगःया जात्रा खः । उकथं हे थ्व
जात्राया इवल्य नेवाः दुनेया थीथी
जातिं थीथी कथं हे भूमिका मिहतेमाः ।
अफ्न धायेगु खःसा राष्ट्र प्रमुख तकं
जात्राय् वयेमाःगु प्रचलन दु । उकिं थ्व
नेवाःतय् जक जात्रा मखु मुकं राष्ट्रया
जात्रा खः धकाः धायेमाः । राष्ट्रया हे
थज्याःगु अमूल्य जात्राया जग्गा कब्जा
यानाच्वनं नं थौं दः तकं पुजा याके
बीमखु धकाः गुगु कथं भूमाफियातय्सं
रूयाच्वः बियाच्वंगु दु आः उकियात
प्रतिकार यायेमाःगु अवस्था ब्वलंगु
दु । प्यापि जग्गा दुगु दिगुद्यःया जग्गा
कब्जा याःपित कारबाही याकेगु नितिं
राज्ययात दबाव बीगु ज्या इलय् याये
मफुत धाःसा हाकनं मेगु छाँया सेन्टर
मदयेकी धकाः धायेफइगु अवस्था
मद्दु । उकिं आः भीसं गथे न्हापा
गुथि विधेयक विरुद्ध सः थ्वयेकूगु खः
उकथं हे स्वनिगःया जात्रा पर्व लिसे
सम्बन्धित जग्गा लित हयेगु नितिं सः
थ्वयेकेमाःगु अवस्था थौं जुयाच्वंगु
दु । ई दुगु इलय् थुखेपाखे भीसं ध्यान
बीमाःगु आवश्यकता थौं जुयाच्वंगु
दु । बुंग दःया जात्रा दीगु धइगु
बांलाःगु खँ निश्चित रुपं मखु । थ्व
खँय् सम्बन्धित निकायं याकनं ध्यान
बीमाःगु आवश्यकता थौं जुयाच्वंगु
दु ।





बिदेशी कलाकार दयेवं संकिपा चले जुइ ला ?



नरेन्द्रमान श्रेष्ठ 'जुवां:जु'

लिपांगु इलय्
कलिउड संकिपात
बिदेश्य छायांकन
यायेतनसंकिपाकःमित
लालायित जुयाच्चंगु
खनेदु । बिदेश्य
नेपाली संकिपात
बिकाश बिस्तार व
प्रबर्धन यायेगु स्वयां
नं बिदेश्य संकिपा
छायांकन याय्त ब्वाँय्
जुयाच्चंगु संकिपा
निर्मातात न उलि हे
खनेदयाच्चंगु खनेदु ।

कलिउड संकिपाया हिरोनि नीता दुगानाया होम प्रडक्सन पाखे निर्माण यागु संकिपा ह्रस्व दिर्घय भारतीय कलाकार तयस अभिनय यागु खनेदु । वन दक्षिण भारतीय कलाकार पि ब्रम्हानन्दन, सुनिल बर्मा, प्रदिप राज सिंह, अलिं अभिनय यागु खनेदु । थुपि दक्षिण भारतया संकिपा ख्यलय् यक्कय लोकहर्वापि कलाकारत खः धासा जिउ । शायद म्ह्योजक संकिपात बने जुगुदइ जइ गुकि हास्य कलाकार ब्रम्हानन्दन अभिनय मयागु ।


धायतला हास्य कलाकार ब्रम्हानन्दन बिश्यय दकल अप्व संकिपातय् अभिनय याम्ह कलाकार धकान धाइ । अथे हे संकिपा ह्रस्व दिर्घय अभिनय यापि दक्षिण भारतीय कलाकारत हास्य नांजाःपिं कलाकारपि खः धासा जिउ । कलाकार प्रदिप राज धासा बलिउड तलिउडय वम्ह कलाकार खः प्रदिप बलिउडया थिथि संकिपातय अभिनय याय धुकुम्ह कलाकार खः धासा जिउ ।

लिपागु इलय् संकिपा लागाय चर्चाया बिषय जुया च्वगु दु छु भारतीय कलाकारतय्सं अभिनय यायव कलिउड संकिपा चले जुइ ला हिट जुइ ला, ब्यापार याइ ला ?

अथेला बिगतय न भारतया थीथी कलाकारतय्सं कलिउड संकिपातय् अभिनय याय धुकुम्ह खनेद । अथेय भारतया कलाकार तयस अभिनय यागु संकिपाया बजेटला अप्वइगुला खयखत ।

अथे हे लिपागु इलय् संकिपाया लागत अप्वया वना च्वसा संकिपाया ब्यापार धासा बालाना च्वगु खनेमदु धासा जिउ । लिपागु इलय् प्रदर्शन जुग अप्व धयाथे संकिपात घाटाया ब्यापार जुया च्वगु खनेदु । म्हो जक संकिपाखं लवः काय फया च्वगु खनेदु धाःसा जिउ । अथेला लिपागु इलय् संकिपा निर्माणया लागत धमाधम अप्वया वया च्वगु दु धासा जिउ ।

लिपागु इलय् संकिपाया बजेट ५ करोडतक थ्यना च्वंगु दु धासा जिउ । तर संकिपाया लगानिकर्ता तयस संकिपापाखे लाभ काय फया च्वंगु मदु धासा जिउ । तर बिगतय धासा संकिपा या लागत म्ह्यो धायमा २०४९ साल पाखे निर्माण जुग बिग बजेटया संकिपा धागु संकिपा ऐतिहासिक बाखनय बनेजुग अले यादब खरेल निर्देशन यागु



संकिपा प्रेमपिण्डया लागत वइलय् ५५ लख धका सरोकारवालातय्सं धायग यागु खः । खयतला वइलय् संकिपाया लागत ३५ लख निसे ५० लख तक खः धकान धाइ । वइलय्या संकिपाया ब्यापार स्वयबलय् म्हो जक संकिपात ब्यापारया कथ असफल जगु खनेद ।

अथेला वइलय् सिगल थियटर त यक्व दु स्वनिग पिने न सिगल थियटरत यक्वय दु धासा जिउ । तर लिपागु इलय् सिगल थियटर धमाधम बन्द जुइ धुकल धासा जिउ ।

लिपागु इलय् सिगल थियटरया थाय मल्टिप्लक्स सिनेमा हल तयस कया च्वगु खनेद ।

अथे हे स्वनिग पिने धासा मल्टिप्लेक्स सिनेमा हल त उलि मदु धासा जिउ शायद थ्व कारणन लिपागु इलय् संकिपातय्सं बालाक ब्यापार याय मफयाच्चंगु जक खःकि ? अथे हे लिपागु इलये थिथि टेलिभिजन च्यानल त अले सिनेमा च्यानल त यु ट्युब च्यानल त ओटि सि च्यानल त खनेदया च्वगु खनेद । थ्वया कारण

न संकिपाया ब्यापार डामाडोल जुया च्वगु खः कि ।

संकिपाया लागत अप्वया च्वसा कलिउड संकिपाया आकर्षण म्हो जुया च्वन धासा जिउ संकिपाकामि तयस स्वकामि तयत संकिपा खःय आकर्षण याय मफया च्वगु ख कि ? नेपालय संकिपा बने जुगनु लगभग ६ दशक दय् धुकल अयन कलिउड संकिपात बलिउड संकिपात पाखे प्रभावित जुया च्वगु खनेदसा भारतीय कलाकार तयत अभिनय याकेगु नं खनेदया च्वगु खनेद ।

अथे हे लिपांगु इलय् कलिउड संकिपात बिदेश्य छायांकन यायेत नं संकिपाकःमित लालायित जुयाच्चंगु खनेदु । बिदेश्य नेपाली संकिपात बिकाश बिस्तार व प्रबर्धन यायेगु स्वयां नं बिदेश्य संकिपा छायांकन याय्त ब्वाँय् जुयाच्चंगु संकिपा निर्मातात न उलि हे खनेदयाच्चंगु खनेदु ।

कलिउड संकिपात निर्माण यायबलय अन्तराष्ट्रिय बजारय माग जुइ कथया स्तरिय संकिपात निर्माण

यायमा कि गथे ।

अथेय गुलिखे संकिपा निर्माण कर्तात बिदेश्य संकिपा छायांकन यायबलय् संकिपा स्तरिय जुइ सांकिपाखं यक्व ब्यापार ब्यबसाय याइ संकिपा बक्स अफिसय् हिट जुइ धइगु भ्रम ब्यलना च्वगु खनेद । अथेला गुलिखे सरोकारवाला तय भनाइ कथ नेपाली संकिपाया छायांकन बिदेश्य यायगुलि छु स्वार्थ सुला च्वगु द धकान चर्चा जुया च्वगु खनेद संकिपाया बजारय् । थ्वया कारणन माला स्वय माथे च्व । संकिपा निर्माण यायबलय् संकिपाया पटकथा प्रस्तुतिकरण अले मनोरजनय ध्यान बिइमा धका संकिपाया बिश्लेषक अले बिज्ञ तयस धायग याना च्वगु खनेद ।

गुलिखे समिक्षक तय भनाइ कथ संकिपा कमि तयस संकिपाया स्वकामितयत सिनेमा हल तक साला हय कथया संकिपाय निर्माण याय जक मफया च्वगु खः कि धकान धायग याना च्वंगु खनेदु ।

अथे ला नेपाया संकिपा लागाय बिदेशया प्रभावला लाना च्वगु खनेद धायमा अथेला संकिपा लागाय जक मखसे टेलिभिजन कला सस्कृति सास्कृतिक फेशन रिटिनिवाजयानापं बिदेशि प्रभाव लाना च्वंगु खनेदु ।

अथेला गुलिसिया भनाई कथं नेपाःया संकिपा लागु छ भचा बिदेशि प्रभाव लाना च्वगु यात सामान्य धका धया च्वगु खनेदु । बिगतय नेपाःया संकिपा लागाय फिल्म मेकिङ्गय बलिउडया बाहुल्यता खनेद । तर आःया इलय् न नेपाःया संकिपा लागाय बलिउडया हे नकल यायगु याना च्वन धासा थःगु सिर्जना क्षमता कला कौशलता गबलय न्ह्यब्वयेगु ले ? नेपाःया फिल्म मेकिङ्गयके संकिपा सर्बान्धि अध्ययन अनुसन्धान भचा मगाःमचाः थें च्वं ।

संकिपा लागु धयागु देया अर्थतन्त्रया छुगु खवापान खः थुकि दयदश देया अरबौ तका लगानि जुया च्वगु खनेदु ।

अथे हे बिदेशि कलाकार तयत कलिउड संकिपातय् अभिनय याकेगु व बिदेश्य संकिपाया छायांकन बिदेश्य यायबलय् संकिपाया बजेट अप्वइ अले संकिपाया लागत कथंया ब्यापार याय मफताकि निर्माता घाटा नयमालि ।

हरेक मंगलवार
राष्ट्रियताको लागि समर्पित



मेरो साप्ताहिक
मेरो साप्ताहिक Mero Saptahik
माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

ब्रम्ह स्पोर्टस क्लब ज्याथःजिथिपिंत हन



ब्रम्ह स्पोर्टस क्लब ७७ दँ क्यनेधुंकीपिंत ज्याथःजिथिपिंत छगू विशेष ज्याइवःया दथुइ हनेज्या याःगु दु । यँ महानगरपालिकालिसेया सहकार्यय् जूगु ज्याइवल्य् सकलें ज्याथःजिथिपिंत नेवाः परम्पराकथं छयें सगं बियाः दोसल्ला न्ययेकाः हनापौ देखासे हनेज्या याःगु खः ।

क्लब यँ महानगरया ३२ गुलिं वडाया प्यम्ह प्यम्ह यानाः चय्छम्ह व १२ वडाया सकलें ज्याथःजिथिपिंत यानाः मुक्कं निसः व भिंफ्यम्हेसित काठमाडौं महानगरयुक्त सत्तहतर सम्मान ज्याइवः यासँ हनेज्या याःगु खः । मूपाहाँकथं भायादीम्ह यँ महानगरपालिका १२ वडाअध्यक्ष

बालकृष्ण महर्जन सम्मानित ज्याथःजिथिपिंत हनापौ देछानादीगु खःसा क्लबया अध्यक्ष सगुनमान श्रेष्ठ दोसल्ला न्ययेकादीगु खः ।

ब्रम्ह स्पोर्टस क्लबया संस्थापक दुजःलिसें ज्याथःम्ह व्यक्ति सानुकाजी वज्राचार्ययात दकलय् न्हापां हनेज्या यासँ न्ह्यःगु ज्याइवः क्लबया नायः श्रेष्ठया सभापतित्वय् जूगु खःसा न्वकु सन्देश मानन्धरं लसकुस यानादीगु खः । क्लबया ग्वसालय् थुकथं ७७ दँ पुलेधुंकीपिंत हनेज्या याःगु थ्व स्वक्वःखुसी खः । थ्व स्वयां न्ह्यः क्लब २०५६ साल व वयां लिपा २०७१ सालय् नं थुकथं हनेज्या यायेधुंकीगु दु ।

नेवाः सांस्कृतिक ज्ञानकोश पिदनीगु



नेपालभाषा एकेदेमिपाखें नेवाः सांस्कृतिक ज्ञानकोश पिदनीगु जूगु दु । यँ महानगरपालिकाया ग्वाहालिं पिदनेत्यंगु उगु ज्ञानकोशयात कयाः नेपालभाषा एकेदेमिइ छगू ज्याइवः याःगु खः । नेपालभाषा एकेदेमिया भाइस चान्सलर मल्ल के सुन्दरं ज्ञानकोशय् न्ह्यथनातःगु थीथी खँया जानकारी बियादीगु खः । वय् कलं नेवाः सांस्कृतिक ज्ञानकोशय् मुक्कं न्यागू ब्वः न्ह्यथनातःगु जानकारी बियादिसँ न्हापांगु ब्वः नेवाः म्हसीका,

निगूगु ब्वः नेपालभाषा साहित्य, लिपि, ब्याकरण व शब्दकोश, स्वंगूगु ब्वः संस्कृति व सम्पदा, प्यंगूगु ब्वः प्रविधि, शिल्प व ज्ञान, अथेहे न्यागूगु ब्वः संगीत, वाद्य, नाट्य, फिल्म दुथ्याःगु दु । भाइस चान्सलर सुन्दरं थथे न्यागू ब्वय् दुथ्याःगु ज्ञानकोश दुने छगू ब्वय् विषयगत धलः व सम्बन्धित किपाःत नापं दुथ्याकाः म्होतिं नं न्यासः पेज दूगु धका जानकारी बियादिगु खः । अथेहे, वय्कलं न्यागू ब्वनापं यानाः स्वीच्यासः पेज दुथ्याःगु जानकारी बियादीगु दु ।

नेवाः राष्ट्रिय परिषदं चौकी घेराउ याइगु

राष्ट्रिय मुक्ति क्रान्ति अभियान अन्तर्गतया नेवाः राष्ट्रिय परिषदं भद्रकाली प्रदर्शनया इवल्य् ज्वनायंकूपिन्त बुधबाःया दुने मत्वःतूसा प्रहरी चौकी घेराउ यायेगु चेतावनी ब्यूगु दु ।

सोमबाः यँ पत्रकार सम्मेलन यासँ परिषदया कजि सुमन साय्मिं लोकतन्त्रय् शान्तिपूर्ण आन्दोलनय् तर्क प्रहरी याःगु धरपकड स्वीकार्य मदुगु धासँ ज्वनायंकूपिंमध्ये सार्वजनिक मुदाय् तःपिं खुम्हेसित बुधबाःया दुने

निःशर्त रिहाइ यायेत चेतावनी ब्यूगु खः । 'जिमिसं ला छुं नं म्वाःमदुगु, अराजक कथंया ज्या यानागु मदु । लोकतन्त्रय् शान्तिपूर्ण सांस्कृतिक प्रदर्शन यानां तर्क प्रहरीं जिमि १२ म्ह पासापिं ज्वनायंकाः खुम्हेसित सार्वजनिक मुदा हे तयाः कुनातःगु दिन । बुधबाःया दुने वय्कःपिन्त मत्वःतल धाःसा वयां लिपा पिहांवइगु लिच्चःया जिम्मेवारी राज्य कायेमाली' कजि साय्मिं धयादिल । बहुलराष्ट्र राज्य स्थापना व नेपाः मण्डल प्रदेश

घोषणा मजूतल्ले थःपिं मदीगु साय् मिया धापू खः ।

उगु हे ज्याइवल्य् न्वासां अभियानया नेता लिसें पूर्व उपप्रधानमन्त्री राजेन्द्र महतौं बुद्ध बगु देशय् प्रहरीं बौद्ध भिक्षुयात लाकमं च्वायेगु ज्या तसकं निन्दनीय जगु धयादिल । नश्लीय सोच दुपिन्सं बहुलराष्ट्रया अवधारणा स्वीकार याये मफ्याच्चंगु धासँ महतौं बहुलजाती, बहुलसंस्कृति दुगु देय् धइगु अथे हे बहुलराष्ट्रिय जुइधुंकीगु धयादिल ।

ल्याय्महतय्

स्वयम्सेवक परिचालन यायेगु थुज्वःगु ज्या न्ह्याकेत थ्यंमथ्यं डेढ करोड तका ध्यबा मालीगु हल्लोक आकाश भैरव गुठीया नायः सागर पुतुवारं कनादीगु दु । हल्लोक आकाश भैरवया आमदानीया श्रोत मदुगु व न्हियान्हिथं बजार भाः थाहाँ वनाच्चंगुलिं थ्व लागत अफ अफ्येफुगु पुतुवारया धापु दु । वय्कलं हल्लोक आकाश भैरव सरकारी निकायपाखें उपेक्षाय् लानाच्चंगुलिं भिनिदँया जात्राया नितीं प्रदेश सरकारपाखें ग्यसुलाक्क आर्थिक ग्वाहालिया नितीं इनाप यानादीगु खः । ज्याइवल्य् नुगः खँ तयादिसँ समाजया नायःलिसें ज्याइवःया सभापति शेरबहादुर पुतुवारं मन्त्री श्रेष्ठ बचं बियादीकथं ज्या याइगु भलसा प्वंकादिल । ज्याइवः समाजया ल्यूछ याञ्जे शुक्र पुतुवारं न्ह्याकूगु खः । वय्कलं मा. प्रकाश श्रेष्ठया पहलय् आकाशभैरव लिक्क च्वंगु सतः १ करोड १५ लाख बजेट तयाः दयेके ज्या जुयाच्चंगु खँ कनादिल ।

श्री हल्लोक आकाश भैरव यँ देय्लिसे स्वानाच्चंम्ह छम्ह मूलम्ह भैरव खः । यँयाः जात्राय् विशेष भूमिका दुम्ह थुम्ह दःया भिनिदँया जात्रा वइगु २०८२ बैशाख १ गतेनिसें ३० गतेतक न्ह्याइगु जूगु दु । थुकियात माःकथंया तयारी न्ह्याकेगु नितीं श्री हल्लोक आकाश भैरव समाज नांगु संस्था स्वनाः ज्या न्ह्याके धुंकीगु दु । थुगु समाजपाखें भिनिदँया

जात्रा व्यवस्थापन व उकियात माःगु आर्थिक तथा प्रशासनिक ज्याया नितीं संस्थागतकथं ज्या न्ह्याकेगु समाजया न्वकु जीवन पुतुवारं कनादीगु दु ।

ज्याइवल्य् गुथिया नायः सुरज पुतुवार, समाजया पदाधिकारीपिं, स्थानीय गन्यमान्य व्यक्तित्वपिनि नं ब्वति दुगु खः ।

पत्रकार....

थिमिया सम्पदाया संरक्षण, संवर्द्धन व पुनः निर्माणया महत्वपूर्ण योगदान याःगु धासँ वाद्यगुरु प्रजापतिं मध्यपुर थिमि नगरपालिकाया निवर्तमान नगर प्रमुख मदनसुन्दर श्रेष्ठयात नं दोसल्ला न्ययेका सम्मान याःगु खः । ज्याइवल्य् पुरस्कृत पत्रकार श्रेष्ठं मध्यपुरथिमिया म्हसीकायात पूर्वनगर प्रमुख श्रेष्ठ व भक्तपुरया सञ्चारकःमिपिसं हलिमय् म्हसीकेत ताःलाःगु खँ कनादिल ।

ज्याइवल्य् नेपाल पत्रकार महासंघ ख्वपया नायः जगत प्रजापति, चाणक्य कलेजया नायः चन्द्रकृष्ण श्रेष्ठ, समाजया नायः बाबुकाजी साँछेँ, नवनिर्वाचित अध्यक्ष चन्द्रकृष्ण श्रेष्ठपिसं समाजयात सकारात्मक सन्देश प्रवाह याइगु पत्रकारिता थौंया आवश्यकता जूगु खँ तयादिल ।

ज्याइवल्य् पत्रकार श्रेष्ठं समाजया अक्षयकोषया नितीं भिद्वः तका समाजया नायः श्रेष्ठयात लःल्हानादीगु दु ।

एमाले १६ वडा कमिटीया नायः जयप्रकाश



नेकपा एमाले यँ महानगरपालिका १६ वडा कमिटीया ११ क्वःगु तःमुँज्यां

जयप्रकाश श्रेष्ठयात नायः ल्यःगु दु । यँया बालाजुइ च्वंगु

बालाजी ब्याइक्वेटय् जूगु तःमुँज्यां श्रेष्ठया नेतृत्वय् ४४ दुजः दुगु कमिटी सर्वसम्मत रुपं ल्यःगु दु ।

नेकपा एमाले स्थायी कमिटी सदस्य रघुजी पन्तया मूपाहाँसुइ जूगु तःमुँज्याय् न्वकु सुनिल के.सी., छ याञ्जे रणेन्द्र महत, ल्यूछ्याञ्जेसमीर भण्डारी व लुना श्रेष्ठयात ल्यःगु दु ।

ज्याइवल्य् पार्टीया पोलिटब्यूरो दुजःपिं आनन्द पोखरेल व रामेश्वर फुयाँल पाहाँकथं ब्वति कयादीगु खः ।

नेकपा एमाले १६ वडाया निवर्तमान अध्यक्ष पुष्प महर्जनया नायःसुइ जूगु वडा अधिवेशनं अध्यक्ष पदय् ल्यये धुंकाः श्रेष्ठं थःगु जिम्मेवारी गहन ढंगं निर्वाह यायेगु कनादिसँ तःमुँज्या ताःलाक क्वचायेकेत ग्वाहालि यानादीपिं सकसित सुभाय् देछानादिल ।

नेवाः सरोकारया अनलाइन पत्रिका



नेपालभाषाया अनलाइन पत्रिका



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID) Visiting Card
- & all kinds of press works

भिक्षुयात प्यंकूपिं प्रहरीयात कारबाही याइगु



भद्रकालीइ न्यासी वना च्वपि भिक्षुयात लाकमं प्यंकूपिं प्रहरीतयत कारबाही याइगु जुगु दु धका प्रहरी प्रधान कार्यालयं धाःगु दु ।

प्रहरी प्रधान कार्यालयं सामाजिक सन्जालय छगु सूचं पिकासे उगु घटनाय दुथ्यापिं प्रहरी कर्मचारीयात विभागीय कारबाही यायेगु ज्या न्ह्याकूगु दु धका जानकारी बिःगु दु ।

वंगु शनिवाः राजेन्द्र महतो नेतृत्वय राष्ट्रिय क्रान्ति अभियानं यागु

प्रदर्शनया भूवलय प्रहरी व प्रदर्शनकारी दथुइ ल्वापू जुगु खः ।

उगु इवलय न्यासी वनाच्वपिं निम्ह भिक्षुयात लाकमं प्यंकूगु खः । छम्ह भिक्षुयात प्रहरीं लिउने लाकमं प्यंकूगु भिडिओ सामाजिक सन्जालय तसकं भाइरल जुगु खः ।

उगु भिडिओ सामाजिक सन्जालय पोस्ट यासे गृहमन्त्री रवि लामिछाने व नेपाल प्रहरीया तसकं आलोचना जुगु खः । तर अयन थुगु

घटनायात कया गृह मन्त्रालय व गृहमन्त्री रवि लामिछानेया आःतक न छु धापू पिहावःगु मदुनि ।

नेपाल प्रहरी धासा भिक्षुयात जुगु दुर्व्यवहारया सम्बन्धय नेपाल प्रहरी प्रधान कार्यालयया गम्भीर ध्यानाकर्षण जुगु दु धका धाःगु दु । नाप उगु घटनाय दुथ्याःपिं प्रहरी कर्मचारीयात विभागीय कारबाही न्ह्याकेगु ज्या न्ह्यागु दु धका तक उगु सूचं पिकाया जानकारी बिउगु खः ।

थ्व हे इवलय धर्मोदय सभापाखें आइतवाः छगु प्रेस विज्ञापित पितबिसें भिक्षुपिन्त जुगु दुर्व्यवहारया भर्त्सना याःगु दु । सभाया महासचिव सागरमान बज्राचार्य ल्हाःचिं तयाः पितब्युगु प्रेस विज्ञापितइ बुद्धया जन्मभूमिइ भिक्षुपिन्त जुगु व्यवहारया घोर निन्दा यासें दुर्व्यवहार याःपिं प्रहरीपिन्त अविलम्ब कडा कारवाही यायेमाःगु माग यानातःगु दु ।

जनकवि दुर्गालालया स्वक्वःगु जंक्व



जनकवि दुर्गालाल श्रेष्ठ व व्यक्ःया तिरिमयजुया स्वक्वःगु जंक्व क्वचाःगु दु । वंगु चैत्र १८ गते आइतवाः जनकवि श्रेष्ठ ९० दै क्यंगु लसताया दिं स्वक्वःगु जंक्व धार्मिक परम्पराकथं क्वचाःगु खः । व्यक्ःया जंक्व ज्याइवः जनकवि श्रेष्ठया थंबहिलय थःगु हे छैय जुगु खः ।

प्रचलित नेपाललिपिं पिहाँ वयाच्वंगु न्हसीका लयपौ व्वनादिसैं/व्वकादिसैं

महीना लयपौ
MHASIK Monthly | न्हसीका मासिक

बङ्गना लिपि
रञ्जना लिपिं पिहाँ वयाच्वंगु रञ्जना लयपौ व्वनादिसैं/व्वकादिसैं

रञ्जना लिपिं पिहाँ वयाच्वंगु रञ्जना लयपौ व्वनादिसैं/व्वकादिसैं

बालमैत्री वातावरण बनाऔं

बालबालिकालाईः

- सजिलै खोलेर खान सक्ने पानीको बोतल र टिफिन बक्स दिऔं,
- विद्यालय जाँदा आउँदा छोड्ने र लिने स्थानको जानकारी गराऔं,
- खाने तरिका र अनावश्यक वस्तुहरु डस्टबिनमा फाल्न सिकाऔं, लगाउन र फुकाल्न सजिलो हुने लुगा एवं जुता दिऔं,
- सहज शौचालयको व्यवस्था गरौं,
- अभिभावक बाहेक अन्यले लिन जाने भए विद्यालयलाई जानकारी दिऔं,
- अकस्मात केही पर्दा सम्पर्कका लागि कम्तीमा दुईवटा टेलिफोन नम्बर विद्यालयलाई उपलब्ध गराऔं,
- बालबालिकाले प्रयोग गर्ने सामानमा नाम लेख्ने गरौं,



नेपाल सरकार
विज्ञापन बोर्ड

उपलब्ध हुने सामानहरू

डेरी, मासु, बेकरी उद्योगका लागि चाहिने उपकरणहरू, प्याकिङ मेसिन, प्याकिङ मेटेरियलहरू, विविध केमिकलहरू तथा विविध औद्योगिक उपकरणहरू

उपलब्ध सामानहरू

ठन्ड्याकुल प्याकिङ मेसिन
कचराबाइल मिला
ऑटोमेटिक डिप्लोमेटिक प्रिन्टर सेट नेपाली राइटिङ मेसिन

मिनिमम क्याप

प्याकिङ म्याट
क्याप मिला
मुल्य

श्रेष्ठ ट्रेड मेडिया

श्री लाल मवल, १३ टंकेरवर (छाउली जाने बिष्णुमति पुलसंगै), काठमाडौं । फोन : ८२७०८८८/९८५९०८८५५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
सवा केरी उद्योग सञ्चालन गर्न आवश्यक प्राविधिक तथा आर्थिक सल्लाहा

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसियां निति, असहायया निति जक निःशुल्क"

उपलब्ध सेवा

२४सै घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पराम
- अन्तरंग सेवा

शल्यक्रिया

- मोरिबिन्
- स्तरन समेदी
- कक बान घाँटी समाने
- हाडजोडी तथा नास शल्यक्रिया
- बिना बिरफार पिसाब नलीको फन्डर शल्यक्रिया

बहिरंग सेवा

- मुटु रोग
- गद रोग
- घुरीलोजी
- नवी रोग ● बाल रोग
- क्यान्सर रोग
- रक्त रोग
- अधिमा रोग
- अन्तराल मेडिसिन
- कर्भ तथा वीम रोग
- नास कान घाँटी रोग
- अन्तराल इन्जिन खेक अंग
- साइरोइड ● नपुम्य

मेमेजु सेवा

- ट्रेसिङ
- इण्ट्रोस्कोपी
- कोनोस्कोपी
- फिजियोथेरापी
- अल्ट्रासाउण्ड, कलर डोनर र टोको
- घुरीलोजी स्तरको कल प्रयोगकर्ता
- टि.एम.ए. इन्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९९१, ४२६६२२९